

影印

文淵閣四庫全書

第一一六七冊

北京出版集團公司
北京出版社

本冊目次

昌谷集

宋 曹彥約撰……………一

省齋集

宋 廖行之撰……………二七一

附

錄

南軒集

宋 張栻撰
朱熹編……………四一三

欽定四庫全書

集部

昌谷集卷一

詳校官庶吉士臣吳

烜

主事臣呂雲棟覆勘

膳錄監生臣陳遂

欽定四庫全書

集部四

昌谷集二十二卷

別集類三 宋

提要

臣等謹案昌谷集二十二卷宋曹彥約撰彥約有經幄管見已著錄是編稱昌谷集者考集中有與劉後溪書謂世為都昌村落人後遷於城下昌谷巷則其所居地名也彥約初游朱子之門其後歷仕州郡却敵平寇獨卓有實用故宋史本傳稱其可以建立事功及入侍講筵亦能殫心啟沃其經幄管見一書數陳祖訓規箴時政尚歷歷可稽惟其文集湮沒不顯宋史藝文志書錄解題諸書皆不著錄惟焦竑國史經籍志有昌谷小集二十卷錢溥秘閣書目亦有曹文簡公集十五冊然亦久無傳本厲鶚宋詩紀事蒐羅繁富絕不及其姓名則無徵久矣今惟永樂大典尚

欽定四庫全書

昌谷集
提要

頗載彥約詩文今核其篇目如本傳所稱為

利路轉運判官時所作病夫議為兵部侍郎

時所上薦李心傳劄子俱不載其中知己未

免於佚缺然其餘諸作世所不傳者為數尚

夥謹類次排纂釐為二十二卷其間奏議大

都通達政體可見施行所論兵事利害尤確

鑒有識不同於撫拾游談其應詔陳言二封

事乃慶元寶慶間先後所上於當日苟且玩

欽定四庫全書

昌谷集

二

惕之弊反覆致意切中竅要亦可徵其鯁直

之槩惟儷詞韻語稍傷質樸然不事修飾而

自能詞達理明要非學有原本者不能也乾

隆四十六年九月恭校上

總纂官_臣紀昀_臣陸錫熊_臣孫士毅

總校官_臣陸費墀

欽定四庫全書

昌谷集卷一

宋 曹彥約 撰

五言古詩

上李郎中嘉言二首

莽莽出北門迢迢伍牙山伍牙何崔嵬羣峯間孤壘望

之蔚然秀豈無草與菅中有百尺松可憩不可攀六月

久不雨祝融奮其官行人渴欲死班荆此盤旋往來得

所託感慨為長歎况爾山上苗久蔭無棄捐

欽定四庫全書

昌谷集

一

桐川出幽谷等彼江漢深修然一派橫清澈寒士心有

時對日光圭稜燦星金沙礫謾自苦安能蔽清冷我行

正寒風欲滌如煩襟念彼濯纓人千載求知音

喜雪次倅車韻呈使君

使君軼何武未去民先思平生愛我意玉立無玷疵邇

來祁寒咨已賦白雪詞陽春有脚來雲意夜四垂天公

亦小兒布置人未知美滿豐年意萬里光陸離璇題庾

亮樓柳絮習家池監州有佳思往往似佳期格律前緩

聲比興莫相疑平分風月餘時吟水柱詩明年朝雪宮
同上萬壽卮

雪中同趙倉從之泛舟餞錢憲文季酒中劇談
漢事臨別文季索詩賦四十韻以寄

冬序玄以冥閉塞乃其職巧作六花飛與天為粉澤初
舞若狂然既定稍真積坐令宇宙間萬象變顏色霜肅
特加厚月皎更留迹晚節答造化有此足清白今日此
何日雙鵞鳴大舶清溪照紅粧醴酒障行客莫言山水

欽定四庫全書

昌谷集
卷一

二

興蕭散竟何益莫作兒女戀黯然空戚戚有詔起聞人
意遠理可即王所切經綸言路倚忠直鋤挺弄湘南鐵
甲冷河北倉廩竭江外蒙袂窘朝糴隱憂關念慮閒暇
已偏仄忍作一尺園此事費紉繹先生持論高踐履我
所識酒酣技已癢漢事多發隨伸舒智似愚紆緩却端
的公孫巧乃拙迎合屢傾側縞衣紛陸離見覲立消釋
惟有真實在拍拍滿胃臆雄辯醉得醒溫言寒褪力誰
知百丈外霏屑散珠璧須臾分袂眷戀語離席蒿師

興徒御酖酪在肘腋此行朝雪宮憂樂任指摘表沴戒
表文呈瑞佇盈尺勿棹子猷船勿穿東郭履高卧更何
為精神見肝膈歸來情緒惡膠舟隱沙礫輾轉意悠哉
隱几不能息明年北多黍今年滋宿麥我居官得祿我
去家可食俯仰足歡顏廣厦庇仁宅想見變調人謹議
進君德先生訓故考微小發幽蹟七篇粗可意餘子無
為役持此力行之願以間讒慝盛哉孔孟心萬世信經
籍

欽定四庫全書

昌谷集
卷一

三

水北民家牕間有題夜深短檠燈功名平生心
者戲成平仄詩二首

詩書窮年燈功名平生心辛勤鶯遷喬哀鳴猿投林蘭
膏誰為容朱紵無知音安能如蜉蝣隨時安其陰
竹外兩縣境水北一草舍蔀屋日見斗韞匱玉待價禍
福自倚伏得失忽晝夜予盍去墨守我亦入遠社

知縣次韻來復寄二首

亭亭青琅玕水霜崔嵬心雖無桃李姿知非柴荆林涼

七言古詩

春日奉陪韓簽虞丞解監修禊事即席中所有

鰕菜梨棗分韻得蝦字

雨餘春水壓堤沙柳未花飛蒲茁芽清流漱湍石佛寺
崇山峻嶺野人家大酉之山檀溪壑秦俗未解書成車
居夷驟得羣賢集惠風鼓動生精華去年可疑張進士
市人物色爭矜誇今年艤棹無所適坐看孤鷺齊落霞
長官敏者唐吏部八龍受種今渥洼兩年分韻得此老

欽定四庫全書

昌谷集
卷一

六

未覺景物相寵嘉世南弄筆好商榷宴客自許窮珍鮭
萬金鼎至我亦喜便欲染指魚與鰕漢司隸後最靜者
家有白璧無點瑕扣之清越聲韻響滿座失喜相歎呀
怪予窮陋一不有冠者八九乃獨整歸而謀婦得斗酒
夜韭可剪魚可叉偶欲占射酒似闕自覺輩晚無肩差
暗中曹劉不易得屈宋未死甘押衙自從修楔卜師友
一洗萬古况兩蝸但恐朝家用賢急去我便立文石花
泮宮先生坐官舍意此四子窮驕奢年前共得石居士

留客嵌空到日斜

原註廣文去年共飲水竹人家坐石上至晚是日偶不赴

帥相泛巨舟東下水淺不可進盤旋三日僅至

菱黃浦率同行就此作別簡以小詩

半日葵葵離岸鼓萬斛龍驤發南浦戈鋌照日牙蠡明
百丈咿啞更雙艣眼前突兀勝華屋前廳中堂後園浴
主人燕坐擁歌舞畫捧金樽夜銀燭吳人餘皇那可比
漢家樓船聊爾耳有時但可濟舟師無事只堪橫野水
太平州縣邊無譁行所朝夕如居家恩光草際碧弄色

欽定四庫全書

昌谷集
卷一

七

心事柳梢黃茁芽我亦同時浮一葉葭葦作篙蒲作楫
坐久欠身頭觸蓬卧多輾轉衣成摺旁瞻盡鷗如飛動
絕似茅茨望梁棟春光嬌面秋月眉爭妍不到書生夢
誰知淺水難籠山順風不下留驚灘津人用盡如神力
長年三老忘朝餐嗚呼材具各有用秔稻不生種稂種
涸轍聊濡鮒魚沫大壑方觀巨鱗縱我生簡便非憚煩
坐觀燕蝠爭晨昏瞥然便轉子猷棹明朝直到章江門
陪漕使春日吳江之集戲贈元理森父

垂虹夜吸吳儂水盡鷗朝飛張翰里護客歸來玉節閒
隱隱春光動浮蟻傾蓋鱸魚故交螭可人森父佳元理
著我中間醉却醒舊管新收幾年紀

原註初食鱸魚生間有送生螭內者

次韻使君湖莊歌

使君德量湖水寬和氣襲人春避寒山川自古窮絕處
鑄鐵點頑成轉升頻作好詩醇似酒妃子鬪妍西子醜
人生行樂只花時更吸西江斟一斗

次韻蔡元簡麒麟湖莊之句

欽定四庫全書

昌谷集
卷一

八

難本憚犧先斷尾燕粗能巢聊葺壘漫郎無用却歸來
得熟道傍真苦李誰家買田綠當戶何人種花紅照水
君詩讀罷已忘機撲漉沙鷗隨處起

大雪感懷

翻雲覆雨紛輕薄萬端不如三白樂歲事相關國重輕
天意亦知人忖度前年不雨旱為崇今年不旱螟為惡
造物與人著力深一飽年來何落落宜春先生古君子
撐腸萬卷一丘壑吟哦乍擬柳飛絮感慨相輝花有萼

商量雪意馳一騎改變天容翔萬鶴翻思五十乾道年
是非一律無今昨日月逝矣幾豐耗人物眇然增索寞
吹簫寡唱氣欲竭陟屺何心淚猶閣再拜珠璣卜來歲
十襲藏之富囊橐

季直經幹喜得三白次師繹韻見餉走筆奉和

三農一命如紙薄已定蓋藏猶不樂年來慳雪意如何
搏空歲事堪踰度新誇兩白已呈祥數日天工還作惡
栽培玉屑界瓊田指顧同雲藏碧落萬象改容龍戰野

欽定四庫全書

昌谷集
卷一

九

滿船空載魚縱壑詩才喚起金閨人坡上傳香梅綴萼
明當改選歲又稔揚州騎得纏腰鶴家有靈光獨歸然
事感鴛原驚已昨豈無他人和者寡不有阿咸幾落寞
關心不見九華樓舊遊莫歎登雲閣與我新詩字字奇

珠玉盈懷分陸橐

原註九華樓登雲閣皆舊時梅坡先生觀雪處登雲又師繹詩意也

陪使者護客晚發京口

拖船烏鷺獸駭奔追夫雷動雲作屯前日生辰使者去
賀正又出丹陽門欲上未上軍人馬似響不響縣官喏

窮冬開閉水不行深夜火明山欲曙尚書太尉傳語來
夫船未足官須催敵使三節能幾耳客載萬舸何為哉
甘心事仇誰作俑恥不自羞猶慙憑古來秦禍不須胡
蒙恬斥外斯高寵

次韻李晦父炎早梅

華顛淡色催人老造化無功春不早翰林風月恣推排
萬馬一空三峽倒冷暖從渠入世情孤真為我參幽抱
卑枝未覺鼎鼎催不與人間障煩惱

欽定四庫全書

昌谷集
卷一

十

交代趙從之善石見和次韻奉答

詩來格律辭皆老却恨有碑拋不早只因清興與花同
千詠昔聞今健倒君家裝額要冰肌我圃耐寒誇合抱
秀色孤根各自宜玉堂茅舍俱相惱

有懷昌谷老梅再次晦父韻兼贈仲元弟

水邊籬落西湖老結伴寒標歸計早月昏香動幅巾時
鐵石廣平猶壓倒新來昌谷闢藩牆密花疎幹添環抱
等閒詩酒奉周旋何似文書頻苦惱

泛舟蕭公陂

山水遶青鑪繡紅花開繁亂春欲空太白酌酒塵世外
小舟蕩槳農事中築堤溉田十里同居民舉手稱蕭公
蕭公有惠何時窮十里樵蓑無凶豐

景仁寄和蕭公陂詩次其韻

照眼石榴裙褶紅回頭浪蕩隨春空春歸湓浦風塵外
詩到淮南烟雨中護田將綠一水同造化奪巧非天公
錦囊不盡思無窮我欲從之歌元豐

欽定四庫全書

昌谷集
卷一

十一

方南康席上觀顓奴秀英作墨梅竹

南州佳人號秀英竊弄毛穎親儒生解衣傍若無我輩
疎梅矮竹真天成公主朝粧弄眉墨誤作鉛華汚宮額
此君劔器藏鋒鉞張顓奴出公孫娘我來忽見驚心目
張八何生魏何熟酒酣耳熱且勿喧為我慙慙寫雙幅
次韻魏君寶光黃雲觀古風

重湖鏡展心生涼五老壁立背負芒中間只作如許屋
一觀雖小意堂堂書生相業綫不絕故侯墨妙燈不滅

與山三好孰四之畢萬有孫胃次澗拋染不須偉兒郎
黃雲高舉天頡頏從龍作霖皆是物邇來一足飛商羊

次韻趙使君師夏謁白鹿遊棲賢長句

三峽移名澗響空中著一橋如飲虹旁連濺瀑龍所宮
謂佛有力真冥濛非造物意無禹功一綫偶達成巨硤
可怪一律人嘖聾助梁唱和更撞春或者誤信晨暮鐘
萬有一幸相際逢吾儒自有名教蹤壁立萬古澗底松
異端瑣細秋後蛩一物不格皆妄庸誰知健者此山中

欽定四庫全書

昌谷集
卷一

十三

樸實可亂田舍翁出郊小隊不妨農黃巖意與考亭通
長養此道如種種駿發兩私雨我公穗叢雖饒亦有豐
常行萬世無汙隆行健不息人中龍不妨更擊白鹿鼓
扣之大小皆春容

五言律詩

同景輔登樓約集少陵句

徐步移斑杖登臨意惘然雲霄遺暑濕樓閣倚山巔薄
劣慚真隱虛空不離禪我生無倚著自有一山川

開闢當天險分明在眼前野橋齊度馬森木亂鳴蟬稠
疊多幽事淒涼憶去年何時一樽酒恣意向江天

送十三郎赴尉漢陽二首

宦路今如此親闈望已深是誰門戶責慰我父兄心鏡
裏休頻看杯中但淺斟前賢官業處端的要追尋
此地關情久淳龐好士民向來同患難今歷幾秋春絲
棒迎新尉綈袍說舊人為言昌谷老寄語益相親

出郊偶成呈府判知縣三丈二首

欽定四庫全書

昌谷集
卷一

十三

奉行三尺令問訊十分春雞犬柴門曉牛羊草徑新遠
投雙嶺寺頻見耦耕人我亦江南客為農頗識真
去郭喧囂遠空江氣象寬柳舒含絮媚梅褪著枝酸物
外登山好公餘盡日歡歸遲應犯夜暝色占江干

寒露日阻風雨左里詩

久謂熱當雨茲來歸近家露寒遲應節天變勇飛沙甕
白應浮酒籬黃可著花一江三十里直欲問仙槎

親友馮儀之運幹挽章三首

聞道江西使賓筵隕德星失聲歸士友短氣動朝廷屢
選非無意遵行若有靈忍令清燕處我輩尚談經
有學關時用無心與物馳已稱黃髮老猶似綵衣時世
道空機穽襟期自坦夷只令風月夜猶足想清規
子也吾嘗友天乎獨異渠仕無通籍祿家有厚齋書講
說來匡鼎風騷藉子虛爭榮森寶桂訓不負菑畲

挽致政朝散王大夫章二首

風流江左後今不愧諸王弓冶儒非誤衣冠晚見償當

欽定四庫全書

昌谷集
卷一

古

時獨立處千載狀元鄉天定常如此三槐有二郎

子貴人間有親難及盛年出藩先使節入從冠經筵問

政承顏日歸鄉屬續前誰能碑有道還合傳先賢

同知樞密程公挽章二首

用盡文章力多馳剴撥聲一朝歸禁近再歲即鈞衡遇

合功名迫哀榮日月傾鹽梅空有志縮手未調羹

憶昔都城會論交戊午班故書雖絕迹晚景自貪閒契

濶形骸外參差出處間重來風作惡黯淡寶蓮山

挽蔡祭酒詩二首

舊說乘馳老新來衣繡人眷方隆嗣聖世已厭成均景
晚遲鵠序遷秋憶虎臣家聲傳慶厯忠惠豈前身
昔締金昆好慈恩有舊題及今如社燕與子共朝雞未
見星常北相逢日易西定應湖上路寒色黯招提
宿蘓坊

客久器塵外冬深驛舍前亂山寬處日野水暮時烟契

分新菊酒生涯舊物甌悠然歸興動依約探梅天

欽定四庫全書

昌谷集
卷一

十五

致政檢法牛公挽章三首

結屋明經好經明身欲修平生倉庫實不為稻粱謀官

路門方盛容臺志已酬莫言餘八袞猶欠少遲留

瘠甚都昌境民無晚種田樂輸雖欲速乞糶最堪憐帥

閫施長技王人改舊弦本原誰任責陰德至今傳

門戶關州縣交游及弟昆每於尊俎後窺見典刑存豈

不昏姻重常疎藥石言矧聞丹旆發心緒正沄沄

夏日漫興

廣厦仍炎熱踈慵疾病中賦詩當夏日鼓棹近南風自
覺塵氛少依然樂事同夜來憑眺處明月隱牆東

龍會遇雪

出門能幾里風雪故相隨新歲自有巧舊寒猶絕癡自
天藏瓦礫與客照鬚眉中冷殊關念豐年却在茲

中和後一日吳門阻雪距春分纔三日

梅容慘不競鳥語喋無聲二月朔已告三日春當分寒
餘凌暖律雪後更同雲但恐嚴凝誤陽和欲奏勲

欽定四庫全書

昌谷集
卷一

七

桂陽走筆呈以道

別後蓬丘老分孟歲又闌髮因求道白心但濟時丹瘡
鬼三秋熱河魚六月寒不圖梅影夜對榻共平安

龍游道中得家信

幸自居家樂何須遣信來聲聞先隕穫書至尚驚猜問
僕心方定開緘色漸回寄言重九日掃淨玉京臺

聞官軍收復新息

降敵知無日和戎事已休百年艱國步九世憶家讎獲

蔡馳新捷收京有定謀可無蜂蠆慮馬健更防秋

再至淮南

湓浦經從後淮壖欲到時江山春自改風雨日相隨泥
滑禽猶訴崖懸馬欲疑解鞍聊間息造物本無私

書彭仲誠詩卷後

惠養無他務廉勤以自持能寬三邑責不為一州私逮
此來歸日還如始至時士民難借寇唯有召棠思
冬至留滯舒州有懷歲旦泊舟平江門外

欽定四庫全書

昌谷集
卷一

七

舒郡驚冬節吳門憶歲時天寒城閉早凍合水行遲再
拜為兄壽同聲念母慈窮年終是客至日始題詩

驚蟄後雪訪徐孟堅不遇坐待甚久

忽忽弄明珠紛紛擁塞酥都忘春老大復作冷工夫甲
折遲先達芳菲約後圖興來還興盡呵手復須臾

遣將追賊何公橋

遲雨停車久偷生恐未然皇威三令後民瘼萬端前
虎煙塵地猩鼯雨霧天監官有老眼巢幕暫狂顛

子敬作詩已久不以見示忽出一卷共有四十

字乃相陪避暑三峽橋之作戲次其韻

乃有詩如此清新思湧泉
綠塵外景發露性中天
舊事驚陳迹新功喜盛年
當流歌枕處醒得困時眠

二郎之官房陵作五言唐律兩章送之

入幕曾霑祿之官始問津
邊城甘冷淡世路識艱辛
責

重杯拌省公餘簡冊頻先人
清白意百世尚書紳

原所註

居房乃先人種竹植
梅之地名清白軒

欽定四庫全書

昌谷集

六

制間今梁棟霜臺昔範模
近書先問汝遠念早寬吾衆

論宜遷木官常合守株房陵
有佳處穩穩問征涂

虞司理留同官麪飯

玉版初參後枕榔半醉中誰
知三里外有此五人同移

座淋頭兩開窓拂坐風明朝
公事了假道訪虞公

上巳日舍舟豐城

路出豐城縣籃輿了夕陽何
人共列坐勝事憶流觴帝

里衣冠近家山念慮長慙慙
樓下水今夜到吾鄉

蕭散

風日倚餘勇扶春不自由
在家曾半面隨我到他州
絮後醺醺約鶯前杜宇愁
新來無吏責蕭散更何求

雪中領客湖莊

天上瓊林會人間瑞物圖
山藏真面目地湧巧工夫
領客驚閭巷携家窘僕奴
却思邊戍地着鐵更彎弧

連雨坐湖莊

沉淖政如許出門安所之
龍公無倦日老子有閒時
適

欽定四庫全書

昌谷集

十九

意家常酒忘懷獨自棋
困來饒一睡百慮本何思

春問湖莊

問訊湖莊事經年意若何
為渠魂入夢老我鬢添皤
雪

霽春應好山明水漸多
遣兒徵僕役除道莫蹉跎

深春挈家下湖莊

去郭不三里將家踰十年
轉添身散誕況乃足踰蹊
九

疊春宜老羣芳晚更妍
得閒無一事倚杖看鞦韆

我生聊自樂人意適相隨
郊外有行處春中無倦時
雖

知攀折苦未覺燕游衰更欲添桃李初心不在茲

師繹題宮姊夫惠示湖莊佳句輒次韻

願學言詩賜降心識字雄絕塵嗟莫及雅趣喜相同
性天憐老貪閒鬼笑窮可堪香火公誤入武陵中
車馬喧人境茅茨棄道旁無心天外得有玉匱中藏
畧煩詩將勾收入醉鄉會從盤谷老野處日徜徉

湖莊雜詩

萬頃蒼茫外三年種植初路回深吠犬藻密暗遊魚

欽定四庫全書

昌黎集

卷一

酒春同盞新茶雪不如稍修遺老傳忘答故人書

野水平湖濶雲山疊嶂深一溪橫驛道兩岸挾神林亂

石通人迹孤舟繫客心幾年茅葦地松檜已侵尋

故邕管安撫李思永挽章三首

發廩寧憂歲防邊不待秋古來漢循吏今說李成州勁

氣橫關隴神光射斗牛竹林天下士一第可無求

原註思永

尊人號竹林先生

義利明千古躬行勇不疑澗瀝窮正脉張陸是吾師仕

與儒先會官從黨論卑所施纔一障聲聞徹華夷

原註初任

與陸校山同官次任趙事張南軒

念昔浮湘樂論交一世豪味同江左右人忘品卑高庇

我渠渠屋關心戀戀袍延津龍化後流水但空號

和趙振文太社郵筒遠寄

天與容臺掾田園早得歸盃中寧有影海上自忘機世
路閒身好人生靜者稀更於葭草處靜看老萊衣

陳氏夫人挽章

邵子山母

欽定四庫全書

昌黎集

卷一

受氏推元女來嬪得召南躬行其誠七禮盡所從三孝

養衣皆綵權輿色已藍霜風吟木末哀怨不能堪

送以道赴漢東兵官因呈繡使吳勝之同年兼

簡李伯行檢法許定夫軍使三首

久入功名會新携辟召書忠勤曾策勵奮迅此權輿當

路心知已長城指望渠只將真實地持守足安居

仗斧暴公子酌泉吳隱之斯人未易得於我最相知見

義為常勇求賢信不疑典刑今在此此去有餘師

李許相從久時方混武文議刑新幕府保塞舊將軍二士俱人物三賢更主君春蘭秋菊意他日共風雲

祕閣修撰雷文卿挽章二首

殄瘁連鄉黨凋零及老成玉亡修水秀星掩壽沙明不
上論思直空餘餽饌名蓋棺隆眷在論議見哀榮
訪我鳴琴日聞公吐屑言循良臨武政忠憤大奚寬厥
後依英蕩新來近達尊却歸桑梓路忍對建昌門

右史殿撰吳之平挽章二首

欽定四庫全書

昌谷集
卷一

五

閫制恩威足邊防戍守寧政平多暇日民費絕秋毫豹
尾天光近螭頭地勢高孰令黃石水旦旦只空號
生長均江左游從集豫章官曹推掃溉人望極軒昂讜
論睽違後休聲涕淚傍鳳池綸綍手揮翰發幽光

故殿撰修史李舍人挽章二首

四戒從誰得忠勤與孝廉本原來簡冊膏潤到閭閻仕
久機鋒熟時來智慮添平生真售用家法有森嚴

原註
四戒

乃具
先訓

丁未慈恩盛從容最後來一從辭墨綬三徙入烏臺記
動時方好持衡去不回恩榮頻出綽晚遇有餘哀

故福建提刑鍾編修挽章二首

問俗周方國推賢漢吏師立朝天有喜仗節玉無疵得
自南軒學親承北面師更無工部句可繼八哀詩
江漢迎歸客瀟湘問故人錦衣新炫畫繡使近行春坐
對長沙酒空傷夜雨神南樓風月下霏屑易成塵

薛端明挽章三首

欽定四庫全書

昌谷集
卷一

五

講學聲名早飛騰藹士林九重嗟見晚諸老願交深時
有亨嘉會天無平治心每於當用處梁父又重吟
諫諍嚴凝地論思咫尺天直弦宜問俗曲突却臨邊儒
道終期用皇威可得宣視儀雖兩地難到玉階前
客本何為者逢公幕府開兵間雖有志度外本非才流
水音何在高風首屢迴只今巖石望寧忍泰山頽
故殿撰侍郎趙公挽章三首

惠國垂芳久瀘南錫第初詩書今有此衣鉢正關渠業

大喧朝野儒酸羨里閭只言三桂盛五桂尚權輿
邊瑣求良牧京華倚重臣撫摩中有備發過靜無塵效
著龍顏動班疑豹尾真計聞遺憾見進秩有明綸
早歲燈窓密中年宦海遙相看嗟落莫晚復共漁樵已
矣耆英會居然一葉凋豈無朋友念人物歎公朝

後溪先生劉閣學挽章三首

早際龍光渥中更貝錦傷升沈關運數變故識忠良天
定當持國時來倚幹方至今羊叔子名繞峴山傍

欽定四庫全書

昌谷集
卷一

五

任重行吾道憂心屬鉅公三朝千載過一代數人中筆
健心猶壯名高晚更穹差肩誰許似八秩有初終
憶奉巴西燕工歌到鹿鳴西清多學士南省舊門生屬
耳靈光在驚心砥柱傾湖莊空望眼讀記若為情

總領戶部楊公挽詩

諱師後
字無悔

華顯世儒業循良今吏師未應州縣薄能簡廟堂知沃
轡歌周雅含香問漢儀經綸殊未展曛景迫崦嵫
頽尾勞民久青天轉粟艱三年流馬運一笑狎鷗閒天

遠才多阨功深報肯慳勒銘周伏柱何恨掩丘山
二昆同唱第短世不堪言生晚欣親炙謙撓過撫存里
門重擁簪秀野祇空園零落西歸藁誰能作九原原註
先兄
伯剛仲遜與公為同年兄弟仲遜調官臨安又與公
同舟泝峽有西歸集唱酬甚富秀野公家國名也

故經畧華文趙郎中崇憲挽章三首

國是歸宗相儒科看嫡傳與時常落落持論極拳拳柄
用無韓范師承有澗瀝衣冠何足論父子世稱賢
出處權輕重幾微見老成我官渾漫浪公道要分明忠

欽定四庫全書

昌谷集
卷一

五

定名先正奸諛魄自驚翻思元祐事千古欠哀榮
世路平平好民庸處處高入朝寧却步及物自忘勞係
望人宗主為儀國羽毛修文纔下壽天亦負英豪

挽寧宗皇帝詞二首

百六消氛霧東南立際蟠統傳三聖後枕奠百年安不
識遊畋樂深知稼穡難何人青史上敢作漢唐看
混一開羣策憂勤損萬年衣冠藏禹穴歷數襲堯天密
定詒謀議難留厭世仙烏號攀莫及有淚徹淵泉

故丞相忠定趙沂公挽章三首

對策飛龍日宗卿夙所期時來人激烈身定國危疑一
德三朝老孤忠百世師是非空負錦銘篆有鐘彝
鹽筴寬閑甚兵權慮蜀多閩民今可矣蜀事竟如何便
好尸而祝初無玷可磨緊誰求徑捷行陸強風波
謫謫羣情便堯堯俗眼驚此身無利鈍於國要忠誠得
力平生學求仁死後名登門非雅素持論略公平

戲集少陵句

欽定四庫全書

昌谷集
卷一

三

山晚浮雲合天寒鶴鵠呼世人共鹵莽行路日荒蕪衰
謝身何補低垂氣不蘓所過憑問訊似欲慰窮途

郭承禧同年解倅印趨朝

昔在慈恩會交新意已親相逢宦處不比後來人共
度衡陽夏平分嶽麓春黃緣如此少欲別倍傷神
仕路何曾樂迎親却是榮諸公新引類難弟久專城便
恐班朝著無勞仗友生長沙風月夜炯炯自清明

張行父大監出鎮章貢贍舟來索詩

頗覺遭迴甚由來去就輕坐曹雖冷淡出位極精明我
老猶貪祿君行已問程虎頭雖好郎朝路憶崢嶸

中秋後一夕獨卧月臺

分得秋容半添來爽氣深靜中無罣礙此處好登臨老
景當風卧平生愛月心幾回烏鵲動曉色上平林

春到湖莊

飽綠勻楊柳殷紅茁海棠將春到昌谷及早下湖莊祠
事三年樂邊心萬里長新來和氣好吉報已占祥

欽定四庫全書

昌谷集
卷一

五

奉濟驛次杜老送嚴公韻

奉濟傳芳久當年折柳情來賡工部句去作錦官行詩
妙將安做吾衰及此榮草堂修舊否得見慰平生

江村散步

已落無邊木猶誅不盡茅沙光迎遠景風力開寒稍牧
處高低路漁時遠近郊竹籬茅舍外門閉可推敲

晚晴

賸水浸秋碧餘霞占晚紅浩歌鳴鶴後柔櫓泛鷗中酒

戒情難遣詩吟老未工懷哉真面目助順企清風

聞道旁有死於賊者

義氣窮羣策妖氛慘一隅分憂吾弗職殊死爾何辜智
者連千慮天乎媿匹夫諸軍猶請戰此道不榛蕪

送真希元侍郎得祠西歸

願治方凝佇求歸竟得閒空令如我輩忍媿尚朝班望
重忠嘉上身輕去就間眇然人物慮少壯亦衰顏

紅梅

欽定四庫全書

昌谷集
卷一

五

雪月共高寒求多意未闌林逋五品服宋璟九還丹老
友松筠健賢宗鼎鬲酸任渠蜂蝶鬧難作武陵看

暮春

春盡無何耳客行猶及之水光風約東山貌雨矜持物
態從前好官身到底癡只言餐秀色十口政憂饑

社日熱甚中夜得雨

蛆蟻開新盎雞豚落社鍋草衰秋水淨木脫暮山多顚
氣時應爽驕陽老更苛依然霖雨在暑酷要消磨

得雨

跼蹐民無地焦熬歲不天雨方寬趙日數已入湯年調
餉今方爾蠲租恐未然古來勲業盛根本諱沉綿

舟中連雨

客裏逢連雨龍公不貸人一蓬遮晦朔萬慮入悲辛忽
忽淹吾道堂堂送此春誰歟訟風伯揮掃鑑中塵

盤谷胡季隨挽章二首

天地開南學葵軒接五峰淳熙亡一鑑盤谷有真蹤庭

欽定四庫全書

昌谷集
卷一

五

立心傳鯉門乘玉潤龍風流遮不斷堂斧若為封
我負光華遣君從懇請來人如九鼎重席為百泉開梁
壞幘蒙屋星移絳帳臺湘西明在眼欲渡不堪哀

陳伯量挽詩二首

樸茂開城府師資足楷模官卑雖晚境子仕却亨途不
酒陳驚座無金疏大夫何人碑有道老手看慈湖
我晚慚初學公才又壯年同盟覺山寺共飲玉溪泉薄
宦身常隔高懷骨易仙傷心風作惡不助過湖船